

DE LA NOUVELLE FRANCE. 3

*Qui l'ont suivi de toutes parts
 A vaincu l'effort de Fortune
 Laquelle en lui n'a part aucune.
 Car sa vertu tant seulement
 Du haut des cieux favorisée
 A insques dans le Firmament
 Sa Maïesté autorisée.*

ANTISTROPH.

*Le iour qu'en France commença
 A luire sa belle lumière
 Le conseil des Dieux s'amassa
 Pour sçavoir de quelle maniere
 Ilz pourroient honorer celui
 Qui devoit estre vn iour l'appui
 De mainte gent abandonnée
 A qui du ciel n'est point donnée
 La conoissance de son bien,
 Et de maint peuple & mainte ville
 Policée souz le lien
 De la societé civile.*

EPOD.

*Mars lui donna sa valeur,
 Hercule donna sa force,
 Et Iupiter sa terreur
 Qui la force même force.
 Mais Vulcan lui façonna
 De fin acier bien trempée
 Vne foudroyante épée
 Qu'en present il lui donna
 Pour en frapper les rebelles
 Et la rogne nation
 Qui nous a fait des quereles
 Souz feinte religion.*